

Dithyrambus protrepticus

quo

Musæ, Charites, Naiades, Nerèides, Oreadesque
ad Anadema in die natali

SERENISSIMI & POTENTISSIMI ELECTORIS

JOANNIS GUILIELMI

decorandum invitantur.

APRILIS DECIMÂ nonâ novâ textite ferta,
ortu Ioannis, Verque, favorque Venit.

Surge, Phœbè, plectra tange,
Plaude, Clio, metra pange,
Surge, Flôra, pulchriores
Carpe stellas, nocte flores,
Colligatur, colligetur, quidquid Hybla parturit.
Plaudat Arnus, plaudat Ister,
Rura plausus sit minister,
Prata Nicri, Dusselæque,
Montiumque, Juliæque,
Margarisquè, Rosmarisquè, aura veris vestiat.
Sylva Pæsti jam labores,
Mons Hymetti fert odores,

Pom.

Pompa furgat, Vos roseta,
Astra terræ lilieta
In colores, in decores florulentos currite.
Tolle fluctus, in profundis
Quære gemmas, Thetys, undis,
Ferte, Nymphæ, quod nitescit,
Quod coruscat, quod rubescit,
Quæquæ fontes, quæquæ montes, quæ repletis æquora.
Quidquid hortus fert honorum,
Quidquid æquor dat decorum,
Hippocrene gratiarum,
Ver odorum, Ver rosarum,
Mille dona, quæis corona construatur, necesse.
Fama faustis vulgat alis,
Lux refulget sospitalis,
Lux celebris, Aula, gaude,
Lux serena, Phœbe, plaude,
Gaudiisque, jubilibusque templa Pindi perstrepan.
Lux triumphis destinata,
Quâ corona, Rhene, nata,
Nata magni gemma mundi,
Quæquæ bruma visa condi,
Quæ tepentes, & virentes Ver rigant favonii.
Nata ferre fulmen ales
Antecedas huc sodales,

Cujus ortum nunciamus ;
Cujus armis militamus ,
Sors sit ima, sive prima, est amicus Cæsaris.
Astra rident auspicata ,
Spes in hac est luce nata ;
Cura cedat inquieta ,
Sit trophæis urbs repleta ,
Pectus undet, cor abundet, mille mille plausibus ;
Ite nubes, ite venti,
Spiret aurâ Ver tepenti ,
Insolenti nullus ore
Turbet Eurus regna Floræ ;
Prata gratæ recreate sibilis Etesiæ ;
Sæva pone turbo bella ,
Nexilis florum procella
Veris imber ludibundi
Serta pingat, & secundi
Otientur, & jocentur Aeoli suspiria.
Carpe flores, quos reponam,
Pulchra Chloris, in coronam,
Ferte, Nymphæ, margaritas,
Ferte gemmas, at sagittas
Mortis, Hebe, frange, Phœbe, pelle morbos noxios.
Cerue Tethyn, cerue, Vates,
Quot ministrat hæc Achates,

Quot pyropos, uniones,
Ut coronam luce dones,
Quâ colorat, quâ decorat Chloris horti sidera,
Dum profundit dona Ganges,
Docta, Triton, plectra tanges,
Ne propinquent, monstra conde,
Jubilantis carmen undæ
(Ridet aura, plaudit Aula) funde pleno gurgite,
Morus absit dente teter,
Ecce totus splendet æther,
Omne pandit Ver decorum,
Omne Phœbus fert honorum,
Dulce ludit, dulce cudit, dulce carmen personat,
Lætor, io, sol ferenus,
Sol amœnus, luce plenus,
Tethys affert mille dona,
Mille gemmas pro corona,
Aura florum pulchriorum explicavit gloriam,
Quid moramur vota tætra!
Jussit æther, Flora, ferre
Præparatum perge fertum,
Flore, gemmâ, quod refertum,
Hæc, & ille signa mille concatenant plausuum
Mœsta sed cur ominaris,
Rhene? vota defer aris,

Noster,

Noſter, inquis, Dux abibit,
 Regis illud Aula ſcribit,
 Quò ſagata, laureata hunc reſoſcit gloria.
 Mentis agræ tolle luſtus,
 Et dolorum liſte fluctus,
 Aſtra luſtus diſſipabunt,
 Aſtra fluctus temperabunt,
 Hæc feracem, Rhene, pacem, illa reddent Principem.
 Terra clamat, dicit unda,
 Vive, Princeps, ſpe ſecundâ,
 Aſtra ſpondent, non peribis,
 Hoſtis ingens terror ibis
 Perquè cædes Mars ad ædes Te vehet Victoriæ.
 Vive, Princeps, vita Rheni,
 Sors propinquat fronte leni,
 Chara mundi vive gemma,
 Surgit in Te grande ſtemma,
 Lux honorum, cor favorum, vive Phoenix Principum.

De natali Sereniſſimi Electoris.

Ut LUX hæc nſit, ſenſi noVa gaUDia Mentis,
 Senſi, & terra noVas ſpargere Viſa roſas.

Programma.

JOANNES GUILIELMUS ELECTOR PALATINUS.

Anagramma.

Tu pellis, uniet uni, o gloria celsa manes.

TU peLLIS LUctUs, VICtrIX nos Uniet Uni
FortUna, ô PrInCeps, gLoria CeLsa Manes.

Aliud.

Aut Sol Imperii luces, non alite langues.

TU SoL IMperII LUCes, IoVIs aLite CeLsa
Non LangUes, UngUes, fULgUraqUe ILLa gLOBat.

Aliud.

Ver legit ille manu, sol canit una poësis.

Ver fULgens LegIt ILLe ManU, CanIt Vna Poësis,
SoL, LaUs, & LaUrUs PrInCipIs aLta VoLUnt.

Aliud.

Lilia pone, rosas lusu Clementia junget.

LILla ponE, Rosas LUsu CLementia IUngEt,
Has qUerUnt AQUILæ, GaLLUs Ut ILLa CUpIt.

Aliud.

I, en pinges lusu, Me stella coronat, Julia.

I sCeLUs, en pInges LUsu, Me steLLa Coronat,
IULIa, Ver pLaUsUs, IUBILa, Vota, CanIt.

Aliud.

Aliud.

Elogiis Numen, certes, ut Apollinis aula,
ELOGIIS NUMEN, CERTES, UT APOLLINIS AULA
EXCULTO VERSU PRINCIPIS AUSA CANAT.

Chloris

Inviolatam Violarum è Gratiarum horto decerptarum

Purpuram inviolatâ fide consecrat.

Flos hic oculorum rifus, flosculorum gratia,

Veris amor, areolarum fragrantia.

Violæ fluens ab ore suavis ille anhelitus,

Vel floris ex colore manare dicas coelitus,

Hunc, ubi primum Verna temperies rore fecundo

Tellurem impregnavit,

Maritalis pignus connubii

In vernante terræ thalamo natura parturit.

Viola Neoburgico - Palatina cum Violis nata

Omnium ad se venerationem

Blandâ quadam violentiâ trahit.

Labilis est Violarum nitor & purpura,

Virtus & fides Serenissimæ est inviolabilis.

Lemma. nuntia veris.

ACCePI VIOLAS, DeCUs InVIOLAbiLe Veris,

Has CLIXIT VIOLAS InVIOLATA fIDES.

Flos novus ivit humo, VIOLÆ nituere per hortos,
Primus veris honos, veris odora seges.

Hoc satis est, Violas qui dixerit, omnia dixit
Cinnama, & Arabiis balsama lecta jugis.

Cum Viola Ducis ortus adest, ea nuntia veris,
JOANNES voluit nuntius esse spei.

Adstitit ad cunas Clio, præfagaquæ dixit:

Hæ cunæ patriæ, spemquæ, decusquæ fovent.

Celari nequeunt Violæ, produntur odore,

Celari nequeunt sidera, prodit honor.

Cyanea

Achatem in Trinacria repertum

Ornando sero delegit.

Pyrrhi Regis Achatem,

Novem Mufas cum Apolline referentem

Exoptat animi gratitudo.

Talem tamen offerre voluit,

Per quem tutior, & ditior fiat corona;

Qui flores, & prata, naturâ ludente,

Venisquæ versicoloribus, tam distinctè adumbrat;

Vt unum lapidem cum esse, vix credatur,

Miraculum potius est, quàm gemma,

In quo natura certat cum pictura.

Lemma. Mors pretiosa veneni.

EX UGNO VIRUS, CHARUS CONCLAMAT ACHATES

Cæsaris hostis is est, QUI TUUS hostis erit.

Dux excelsæ, Tibi sit Achates fidus Achates,

Germarum cumulum genima vel una facit.

Cum Tamesi, Vahaliquè, colit Tua, Rhenus, & Ister,

Fœdera, quæ Ligeris, quæ vereatur Anas.

Te Magnus Leopoldus amat, quem bella tonantem

Mars in Bistonis horruit ipse plagis.

Ibis, at impavidus, quò Te spes certa triumphi,

Vel quò Te læsi Cæsaris ira vocat.

Non Solem tonitru, feriunt neque fulmina, talis

Splendet ubi virtus, virus obesse, nequit.

Aglaia

Citri florem porrigit

Sabæorum, & Arabum odores redolentem,

Quo fertum natale reluceat,

Hunc arbor produxit, (saurum)

In qua candidissimos flores, & omnem suaveolentiæ the-

Ut perpetuam Veris felicitatem,

Aureosquè fructus,

Ut fœcundam Autumni fertilitatem,

Quisque miratur,

Dum flos hic oculos moratur,

Meretur inferi coronæ floricomæ.

Lemma.

Lemma, Autumnnum continet & Verum
*Ver DeCUs exornat, Citro, flos, frUCtUs, In Una est,
SIC, Astraea, Tibi est In DU Ce nUpta Charis,*

Continet Autumnnum, Ver felix continet arbor,
Hesperidum tales vix tulit hortus opes.

Quàm bene conveniunt, Citroquè videntur in una
Autumni dives copia, Veris honor,

Tam bene conveniunt, & in uno Principe fulgent
Inconcussa Themis, prodigiosa Charis.

Dos æterna Tuæ est Stirpis Clementia, dos est
Justitia, o Princeps, quàm bene utraq; micat

Majorum irradiat celebres Tua gloria fascas,
Jure quidem minus est, plus pietate regi.

Venus Cypria (mante,

Gratulabunda Serenissimum Electorem veneratur Ada-

Repertus hic in Cypro,

Verè naturæ miraculum,

Nitoris sui tanquam ignium societate

Validiores flammæ ejaculatur,

Hic habet, quod reliquæ gemmæ omnes,

Solus, quod nulla,

Vel Joanni Guilielmo,

Vel nulli dandus,

In aliis nitor est, in hoc splendor,

Nihil emendatius natura tulit, ars expolivit.

Lemma

Lemma

Lemma. *nil adimas.*

Duplex Chronicum

Te seruo non Laesa Malis Constantia Donat,
O PrinCeps, fateor, Cor aDaMantis habes:

Flammisque, & ferro invictus cyclopea ridet

Robora, nec Steropis frangitur ille manu. *

Hoc adamante Tuam, Joannes, dito coronam,
Pulchrior in dextra gemma fit ista tua.

Non terrere malis, sed contra audentior urges,
Celsa per angustum gloria tendit iter.

Ure Palatinos, rabies furibunda, penates,
Dux virtute sua clarior igne tuo est.

Digna coronari virtus, fremat hydra, coronam
Non solum virtus invenit, illa facit.

Euphrosyne

Coronam natalem imperiali coronam
voluit coronare,

Dum personat gaudiis totus Gratiarum hortus,
& flores in sertum electi videntur applaudere
natali tanti Electoris festivitati,
deerat coronae corona,

Quae in coronam electa, & eversa
nomen imperiale substernit devotissime,

* ita Veteres.

ε

& per-

& perpetuum gloriæ meridia

Lemma. *ipsa corona sibi.*

DUX stabili rUtiLat VirtUte, * Corona nItore,
FLos pLaCet Iste soLo, DUX pLaCet Iste poLo.
Cæsaris, & Regum celsas imitata coronas,
Auricomâ fertum fronte corona replet.
Cæsareas in se trabeas suspexit, & ostrum,
Stirpis in innumeros purpura currit Avos.
Sceptraferæ germen, princeps, Venerabile gentis,
Magnorumquè Nepos suspiciende Ducum,
Quamvis non sis Rex, potes hoc virtute mereri,
Plus meruisse, minus sceptra tulisse fuit.
Præluceat virtus sceptra, & fama coronis,
Fortunâ minus est, plus pietate coli.

Oreades

CrySTALLUM nullâ nube nubilum
natali sociant coronæ,
æternâ quidem riget hyeme, (ciunt,
ast ei nec omnium aliarum gemmarum colores fatisfa-
ut cælum æmuletur, radiis suis, veluti stellis, splendescit,
oculis applica,
Siderum videbis pulchritudinem,
Coronas, irides, rosæta, vireta,

* *Imperialis.*

colores

colores inimitabiles imitatur.,
oculisquè velut speculum occurrens
omnium imaginem reddit gratiorem
ipse gratissimus aspectu,
splendore penè ipsis cælorum facibus lætiore.

Lemma. candor illesus

ILLÆSUS CanDOR CrIstaLLI ferta CeLebrat,
DUX sine Labe IUbet, LUX sine nUbe nitet.

Pargemma est speculo, quàm pulchros evibrat ignes!
Hic, quod non didicit, bruma laborat opus.

Protea fors credes? tot discolor induit ora,
Falleris, illæsus stat sine nube nitor.

Si quando frons tristè riget, siquè aspera vox est
Principis: an trepides? Principis ira brevis.

In medio radians pietas, & gratia vultu
Nil Domino dicunt mitius esse suo.

Lentus is ad pœnas, velox ad præmia, laus hæc
Magna est, laus illa est Principis, illa Dei est.

Melpomene

Vultu melleo consecrat Anemonen
hæc inter rigida hortorum hiberna lætior hyemat,
& animatur Ventorum Spiritu.
infrendeant licet, sævasquè barbarasq; intentent minas,

c ij

ridet

ridet illa lætior,
 ventisque superior augustum extollit verticem
 cedere nescia. (tur,
 non uno illa, ut florum pleriquè, sed variò colore vesti-
 nam variis laudibus abundare, florentissimi Principis est.
 Cæli, terræquè plaudente teatro
 in nullo Principe Religio sanctior, (stantior,
 animi fortitudo generosior, adverforum tolerantia con-
 zelus fidei ardentior, virtutum omnium cultus incor-
 quàm in Serenissimo elucescit, (ruptior,
 mutatos vidit Imperium multorum animos,
 nunquam vidit mutatum Joannem Guilielmum,
 semper pro Deo, Cæsare, patria stetit.

Lemma. *mediis flos fulget in Euris.*

DUX, **VI**RTUS **VI** LATA, per aspera **SURGIT** IN **ASTRA**,
ANEMONE nota est, **VINCIT** UT **IPSA** NOTOS!

DISCOLOR huc **ZEPHYRUS** tepidis licet advolet alis,
ANEMONE vultu vernat, ut antè, suo.

AUGEAT **HIPPOTADES** fremitus, **BOREAS**què furores,
RIDET, & in mediis emicat ipsa **NOTIS**.

MARS furgat, jactetquè minas, acuatquè sariffas,
STAT, statuitquè **DUCE** justa trophæa **THEMIS**.

IPSE **PALATINIS** applaudit collibus **ARNUS**,
VICTOREM **LIGERIS** dum canit esse **NICRUM**:

Sequa-

Sequana, vana moves, pomum ferat optimus, inquit,
Hic Venus ipsa perit, nil Paris ipse potest.

Clymene

Cæruleum ex India Sapphirum attulit,
quem nullæ nubes, nullæ labes exasperant,
hic ipsum cælum fulgore suo provocat,
hilaris color est, nitor natus,
sine pretio preciosus,
proprio splendore coruscat,

Tegant nubes cælum, sibi ipsi Sapphirus cælum est,
Sole licet nolente.

Lemma. fert gaudia cordi.

SapphIRUs trISTI fert gaUDIa fLorIDA, nostræ
DUX patriæ pater est, LUX ea pLUra parIt,

Pulcher Sapphirus cælesti fulgurat ore,
Gaudia fert cordi, tristia quæque fugat.

In quantis meritis, quantaque in luce gubernas,
Quàm placet augustæ frontis amicus honos!

Tu patriæ communis amor, Tu tristia quævis
Pellis, Tu nobis Numina blanda facis.

Hic sit ut alta quies, quoties Te publica lassant
Pondera! io, curis tuta stat illa Tuis.

Sic lauros meruisse potes, sic sidera: sic Te
Patriæ, Dux, Dominum gaudet, & esse Patrem:

Thalia

Heliotropium Electori Serenissimo destinat.

Flos hic licet solo fit affixus,

Non deserit solem,

èd nobilior,

quò mobilior ejusdem radios sequitur,

quot proles, soles tot parit ipse solo.

floris hujus æmulus est Serenissimus Elector;

hunc pietas lactavit in cunis,

religio fovit in ulnis,

virtus erudit in scholis,

non cum Deo divisit, sed conjunxit Imperium,

nusquam imperare se ratus,

nisi ubi Christus imperat.

Lemma. caelestes sequitur motus.

SoLseqUI soLUs soL, Ver, Cor, gLoriA, VIta est,

PrInCeps, VIve, soLet CUI DeCUs esse DeUs.

Te video, Clytie, quamvis radicibus hæres,

Nunc quoque dilecti Solis amore trahi.

Sol moritur? langues, oritur? rediviva resurgis,

Magnus amor Solis, major amoris amor.

Relligio sincera Ducis miratur amorem,

Sequè cupit tanto vindice diva coli.

Huic regnat, quem regna timent, quem suspicit unum,

Hunc

Hunc amat, & mores induit Aula pius.
Sic habitare bonum est, & sic regnare decorum;
Dum pietas illum, qui regit, ipsa regit.

Amphitrite

in ornatum coronæ pyropum eligit,
parem, si non superiorem splendore
his, quos Rex Pegasus in vanam suæ majestatis
ostentationem
innectit regio diademati, coronæquæ.
nitor ignis est, splendor rosa,
naturæ pretium.
ut pectore, sic ore nescit amor mentiri,
animusque generosus,
ut nec tegi Pyropi flamma,
prodit ignis, amorem, animumquæ loquitur.

Lemma. *emicat unus.*

Est CUⁿCtas Inter baCCas LUX Chara pIropi,
Est AqUILæ præ aLIIs, DUX, TUa nota fIDes.

Si rutili videas ignesque, rosasque piropi,
Est Solis, dices, omne pyropus opus.
Rhene, Duces inter quis ad aspera promptior arma?
Fœdera, quæ Bæti sunt metuenda, probat.
Cor dedit Odrysus, mea nî præfagia fallunt,
Belligeras quatiet Martia dextra faces.

Dum

Dum viget hic, cunctos peragit mens publica motus;
Imperii columen, lumen & ille Ducum,
Ille Domus caput est, quæ per tot vincula gaudet.
Esse Domus Regum, Cæsaris esse Domus.

Pasithea

Decorat Rosâ fertum natale,
cujus inter alios flores regius elucet nitor,
& Spinarum inter aculeos rutilat purpura,
rubi felices, beatæ spinæ,
hanc quæ gignitis, hanc quæ vallatis,
illam sanguine suo tinxit cytherea,
Cælum rore & nectare satiavit,
quis eam coronænectere dubitet?
Symbolum, Rosa inter spinas.

Lemma. *juncta arma decori.*

Chronicum quadruplex.

Non CaDIt hæC arMIs, hæC arMa Innata DeCorI,
ArMa DICat PrInCeps, hInC, LeopoLDe, tIMor

Armat spina Rosas, armatas vincere speres!

Non ita, sed spinas experiere reus.

Si qua proterva manus tentat decerpere florem,

Ingeniosa suos vertit in arma vepres.

Turpis apis, nisi tela gerat, nisi spicula, miles,

Quid Dux, nisi turmas ducere possit, erit?

Arma

Armá armis socias, Princeps, justissima, totum
Huc Martem transfers, ut bona causa regat.
Invenient hæc arma viam, non Numina fallunt,
Cæsare sub Magno cæsa quadriga ruct.

Nais

e roscidis liquoribus natum,
lacteolum inferit unionem coronæ,
tantum Cleopatra non diluisset Antonio.
color ejus gratus, & nitor splendidus,
in contrariam gratiam variat aspectum,
& nives, & rosas alit
pretiosum gelu, liquor aridus.

Lemma. *dat sociata decus.*

UnIt Ut fLores, & baCCas UnIo DIVes,
SIC UnIt pLUres UnIo pULChra DJCes.
Unio condecorat niveo splendore coronam,
Gemma aliis gemmis dat sociata decus.
A cælo pretium, raros à rore colores,
A forma laudes, lumine dives, habet.
Cæsareæ felix quod sit fortuna coronæ,
Rumpitur invidiâ, Bufo, Equus, Hydra, Leo.
Invidiæ sed tela crepant, Aquilæquè triumphant,
Dum Mars tot Tecum foedera pacta videt.

d

Unio

Unio quàm pulcher, quàm pulchra est unio cordis,
Quâ Tibi, Dux, unit scepra tot unus amor!

Daphne, Cara polo splendet in orbe dies.

Genethliacum

Serenissimi & potentissimi

D: JOANNIS GUILIELMI

ELECTORIS PALATINI

decantat Thalia.

*Ut Tibi placu dat honor, flores. Invitat Aprilis,
Verque suum sperat vere niteri tuo.*

Natales rediêre Ducis, concurrite Vates,
Et bona solenni dicite verba die.
Nos hilares faustæ lucis celebremus honores,
Dum festos ducit Thespia turba choros.
Dum licet, Alpheſibæus, oves oblitus & agnos,
Finget ad undenos dulcia verba pedes.
Thyrsis & immistus colludet rure Napæis,
Nectet & Hyblæis florea ferta roſis.
Et Vos ex vitreis caput undis tollite Rheni
Naiades, & comptis viſite feſta comis.

Cessit.

Cessit hyems , hyemisquè rigor , bona gaudia fulgent,
Postquè graves nubes surgit amica dies.

Laxentur solitis hodie pallatia curis,
Festivum recitet nobilis Aula melos.

Implear æthereis delubra sacrata Sacerdos
Officiis, solvens cantica grata Deo.

Delicias fer, Hymette, tuas, da, Phocis, odores,
Da, Parnasse, ritum, da decus, Hybla, tuum.

Adsis purpurei gratissima filia Veris
Flora, para nostro ferta decora Ducis.

Cessit hyems, cessère trucidia fastidia brumæ,
Blandaquè jucundi tempora Veris eunt.

Nunc ridet cæli facies, mensisquè, diesquè,
Ille placet Rheno, plus placet ille mihi.

Jaçtat Creta Jovem, Delos Latonia Phœbum,
Tu partu nostri, Rhene, tumesce Ducis.

Urbs gemino splendore micat, natoquè superbit
Principe, quam streperis Dussela findit aquis.

Tunc radiis solem toti melioribus orbi
Immortale jubar congeminâsse ferunt.

Tunc Lucina favens, tunc junctis Gratia palmis
Adfuit, & Patriæ lux eris, una canit:

Nascere, magne puer, quem se polus omnis in unum
Transfundit, mundo nascere, magne puer.

Ingredere auspiciis nostrum felicibus orbem,

Et redeat sub Te Principe læta salus.
Nos Tibi natales, Tibi nos gratamur & ortum,
Et canimus veri carmina blanda tuo.
Adsunt Pegafides, fidibusquè decorus Apollo,
Euphrosyne cunas dum salit ante tuas.
Si tristes recreant orientia sidera terras,
Tu nobis fausti fideris instar eris.
Inclyta progenies, & magnus nasceris infans,
Aspicit Hæredem Julia tota suum.
Indulget primum lucis Tibi Rhenus honorem,
Et, quo se partu patria jactet, habet.
Exultant montes, Neoburgi gloria cresce,
Vince Palatinæ nomina magna Domus.
Tempus erit, Cælo duce cum Comitisque, Ducisque
Nomina cum titulis splendidiora leges.
In patriis vernans surget virtutibus ætas,
Hanc certam de Te spem facit esse polus.
Membrorum quondam vigor, & nitor inclytus oris,
Eloquiiquè lepos, ingeniiquè decus,
Illustris facili gravitas permista sereno,
Mascula majestas, Martis & artis honor,
Quot documenta dabunt, qua sis ab origine natus,
Quæ Tibi lac dederit cum pietate Parens!
Inferet ordinibus Te, Dux, Germania summis,
Imperiiquè inter Sidera Sidus eris.

Ornabit

Ornabit Paphos alma thorum, & mulcebit amorem
Binâ, sed dignâ conjuge magnus Hymen,
Laurigeri nubet Tibi purpura Cæsaris, ast hanc
Crudelis Clotho destruet ante diem.
Offeret indè Tibi pulchrum Florentia Florem,
Quem Medicea Domus, lumen ut addat, alet,
In tanta quondam gaudebis Principe, Princeps,
Dum geminos animos uniet unus amor.
Chloridis interea cunas aspergimus astris,
Cingimus & teneris tempora blanda rosis,
Plurima proquè tua sociamus vota salute,
Dum properat somnos obsequiosa manus.
Cresce puer, vitæ primordia stella secundat
Candida, nent Parcæ stamina fausta Tibi.
Cresce Palatinæ Stirpis, magniquè Parentis
Gloria, Cæsarei sanguinis altus honor.
Irrue in Ameliæ amplexus, Matrisquè serena
Oscula, Te geminâ pellicit illa manu.
Non numero hîc Atavos, cæli sed præmia miror,
Atque aliquid majus Principis ore colo.
Cerno frontis opes, & gaudeo, totus in illis
Est oculis Genitor, totaquè in ore Parens.
Cerno, Palatini flebunt sine Daphnide montes,
Reddetur Domus hæc Te Duce tota sibi.
Cerno arces, urbes, ferrumquè, & flamma vorabit,

Gaudebis, decori hanc restituisse suo.
Æternis inscribet honor Tua nomina fastis,
Laudesquè extollet grata Camœna Tuas.
Dixerat, applaudunt reliquæ, tonitruquè sonoro
Juppiter æternus singula dicta probat.
Præfagæ quondam circum cunabula Musæ
Quod cecinère melos, fortis id omen erat.
Spem Superi superant, augent præsentia lucem,
Vota favor vincit, Principis ille nitor.
Quale micat fidus populis! exemplar honesti,
Spes & amor Rheni, delitiæquè Domus,
Imperii columen, cuncti servamur in illo,
Pro nobis vigilat, dum parat arma furor.
Ille Palatinæ reparat dispendia terræ,
Lilia dum Româ judice jure cadunt.
Illius nos cura fovet, lux illius omnes
Irradiat, monitis illius Aula pia est.
Vivit in exemplum, dum vult præscribere leges,
Quæ jubet, illa facit, quæ facit, illa jubet.
Quæ ratio, pietasquè jubent, ea sola juberi
Vult populo, Themidi quod placet, ille probat,
Religio quodcunque pium, prudentia justum,
Sincerumquè fides judicat, ille colit.
Cælo hortante sub hoc constat reverentia sacris,
Reddita lux Phœbo, reddita templa Deo,

Parnasso gaudente sub hoc contempta Camœnæ
Colla levant, videt id Dussela, Rura, Nicer.
Laus, Musis aperire viam, preciiquè tueri,
Meccœnatis erat, nunc Ducis illa mei est.
Quale addit robur celsæ sapientia menti!
Instructus totâ Pallade, Cirrha, tuâ est.
Quot meritis rutilat Princeps! qui vectus in altum,
Terrarumque Diis mixtus honore micat.
Principis erigimur dextrâ, surgitquè potestas.
Amplior, his virtus passibus ire solet.
Sed quò, Phœbe, feror? timidus præconia Musas
Lassant, his Helicon non satis unus erit.
Obruimur rerum cumulo, facundia venæ
Deficit, in magnis at voluisse sat est.
Nil potui fecisse minus, Parnassia latè
Dum, Dux magne, Tuo nomine regna sonant.
Natales, Guiljelme, Tuos dum, Rhenus, & Ister,
Erpia, Naus, Arar, Dussela, Rura, canunt.
Una salutantum vox est, concordibus Aulæ
Tripudiis, genius, curia, templa, favent.
Cæsareus Sanguis, magni rediviva Parentis
Gloria, Joannes vivat, ubiquè rogant.
Vota vides Patriæ, lætis applausibus urbes,
Montes, & sylvæ, Panquè, Dryasquè, strepunt.
Et licet in Taurum Sol currat, & occupet annum,

Luce

Luce sacrâ passim patria rura vacant.
Maxime Dux, illustre Tuæ decus addite Stirpi;
Vive triumphatis hostibus, Arnus ait.
Flora Palatinis Violas in vallibus augens:
Quot flores orno, lustra tot, inquit, age.
Juliâcis Bellona furit dum proxima campis:
Quot lauros Tibi, Dux, gloria servat! ait.
Vicini Montes mentes offerre parati:
Quot sylvas, ferimus tot Tibi corda, canunt.
Una exultantùm vox est, rege, vive, triumphâ,
Lustraquè natalem post duodena colas,
Templa Tibi sua pandit Honos, Victoria pandat
Et sua, Virtutis dum Tibi templa patent.

Votum

pro serenissimo & potentissimo Electore.

*DUX VIVas, regnesq; De DIU, sors tota propinquat,
Hoc rUTILans pletas sponDet & æthra Tibi.*

De serenissima Domina Electrice

MeDICEæ CharIs.

Programma.

Anna Maria Aloisia Medicea.

Anagramma.

Eia Asia, cerno aliam Dianam.

ad Asiam.
CLlo gaUDet, Io, Diana reLUCet In AULA;
VirtUte, & VULtU CLarior ILLa tUâ est.

MeDICEæ gLorla FLoræ.

Nunc tua mirari miracula desine, Delos,
Non tua, quo se nunc fabula jactet, habet.
Cujus habes cunas, pharetrâque insignis, & arcti,
Diana in sylvis errat, aprosque necat.
Quam nos suspicimus, Diana refulget in Aula,
Clarior illa tuâ est, major & illa tuâ est;
Nupta Palatino illa Duci, Lux maxima Rheni
Emicat, & Domino gaudet adesse suo.
Magni Nata Ducis, sexu sublimius effert
Excelsam mentem, fœmineumque decus.
Virtutum fœcunda, sui laus maxima sæclî,
Omnis in hac fulget Stirpis avitus honor.
Insidit nitidæ facilis clementia fronti,
Affuevit pietas, vitaque pulchra, Deo.
Irradiat celsos majestas patria vultus,
Inquè oculis Princeps fœmina fidus habet.
Junonem tibi pinge, Mycon, tibi, Pallada, Zeuxis,
Hac eadem pingi Numina fronte velint.
Illustres animi dotes quis adumbret Apelles?

Formavit totam, Juno, Minerva, Charis.
Unum Dianæ cum struxerit Asia templum,
Quàm bene huic geminum condere posset honor!

*Ad serenissimum & potentissimum Electorem
Astræâ vindice, Româ judice,
de frivolis Gallorum præensionibus triumphantem.*

Programma.

Joannes Guilielmus Elector Palatinus.

Anagramma.

Aufonia, Clemens, pro Te, jus Lilia lugent.

AUFonia, & CLemens pro te, JUus LILia LUgent,
HUIC faVet Ipse poLUus, CUI bona CaUssa faVet.

CLemens Joanni Dat Lætâ,
Joanni LUX faUsta faVet, bona CaUssa triUMphat,
Rhene, VIDes, errat SeqUana, TibrIs alt.

Annus, mensis, & dies, quo sententia definitiva
Romæ fuit pronunciata.

Ter seXtâ FebrUJ TheMIs æthræ LIqUit Ut Ignes,
Joannes, InqUit, VInCIs, ID astra JUent.

Annus, mensis, dies, quo dicta sententia Dussel-
dorpium fuit allata.

TerqUe qUaterqUe sUos Ut In astrIs Legerat artUs
MarUJs, en tIbI Dat JUBILA grata poLUJs.

Annus.

Annus, & dies, quo varia letitiae signa propter dictam
sententiam Dusseldorpii sunt edita.

Lata, VIDes, praesto, Josephi DUSSELA, festo,
DEX JUBet, aethra. faVet, qUI sltIt, ora La Vet.
Roma bonae causae patrona.

VISa LITE TIBris: qUID obest? IUS annUo, CaJSA
QUI potlor, potlor JURE trIUMphet, alt.
Astraea sententiam Romae datam approbat.

EX astrIS Astraea reDUXI: VIS perirepat, InqUIt,
CLEMens Joanni. si faVet, astra faVent.
In Aureliam.

Non aURUM posthaC reVches, AUreLIA, CernUNT:
CUnCta, PaLatino. CaJsa, poLUsqUe faVent.

Ad Astraeam.

Sequana non licitas in Nicrum torserat iras,
Et ferro, & flamma mille pericla minans,

Vis, feritas, strages, incendia, stupra, rapinae,
Exilium, carcer, nil nisi ludus erant.

Picturas, gemmas, argentea, & aurea vasa,
Et Bacchi, & Cereris vi rapiebat opes.

Non tulit hoc Tiberis, sed iniquis concitus ausis:
Nescio, quis, Galli, vos furor, inquit, agat.

Discite Justitiam moniti, & non temnere Romam,

Quæ Ducis, illa Duci reddo, Deique Deo.
Duffela plaudit, io, facit hoc Ducis optima causa,
Rex fremit, hoc Regis pessima causa facit.
Quæ mens Clementis, tua mens, Astræa, Joanni
Quæ rapuit ferrum, reddidit illa forum.

Ad Aulam.

Decidit Tybris, justa est decisio, Gallus
Decidit in causa, casus is, Aula, juvat.

Ad serenissimum Electorem.

O PrinCeps DILeCte Deo! Te pLeCtra CeLebrant,
Fert Astræa rosas, Læta trophæa Canens,

Votum ad Eundem.

Te serVet, PrinCeps, faVor, & CLementia CæLi,
QUæ CresCit VotIs LaUrUs UbIqUe tUlê!

Ad Palatinatum.

State, PaLatInæ seDes, & CresCite CæLo,
BeLLa CaDent, hostes Conteret hasta potens.

